

四庫全書

集部

欽定四庫全書

石倉歷代詩選卷八十

明 曹學佺 編

晚唐七

陸龜蒙

字魯望
吳郡人

和襲美初夏遊楞伽精舍次韻

吳都涵汀洲碧液浸郡郭微雨蕩春醉
上一清廓奇蹤欲探討靈物先療瘼
飄然蘭葉舟旋倚煙霞泊吟譚

亂篙觸夢寐雜嚙嶠纖情不可逃
洪筆難暫閣豈知楞伽會乃在山水箔
金仙著書日世界名極樂蒼蘊冠諸
香琉璃代華聖禽言逕不輟象口川
寧涸萬善峻為城巉巉扞羣惡清晨
欲登造安得無自愕險穴駭坤牢高
蘿挂天索池容澹相向蛟怪如可摸
苔蔽石髓根蒲差水心顰仰首乍眩
旋迴眸更輝燿簷端凝飛羽磴外浮
碧落到迴解風襟臨幽濯雲僑塵機
性非便靜境心所著自取海鷗知何
煩尸祝酢峰圍震澤岼翠浪舞綃幕

激灩豈堯遭峻嶂非禹鑿潛聽鐘梵處別有松桂壑
重燈不光泉寒網猶薄僮能躡孤刹鳥慣親拊鐸服道
身可遺乞閒心已諾人間亦何事萬態相毒蠱戰壘競
高深儒衣謾裒博宣尼名位遠未必春秋作管氏包霸
圖須人解其縛伊余採樵者蓬藿方索寞近得風雅情
聊將聖賢度多君富邁采識度兩清恪詎寵生滅詞肯
教夷夏錯未為堯舜用且向煙霞託我亦擺塵埃他年

附鴻鶴

小桂

諷賦輕八植擅名方一枝才高不滿意更自寒山移宛
宛別雲態蒼蒼出塵姿煙歸助華杪雪點迎芳蕤青條
坐可結白日如奔螭諒無劉翦憂即是蕭森時洛浦雖
有蔭騷人聊自怡終為濟川楫豈在論高卑

新竹

別塢破苔蘚嚴城樹軒楹恭聞稟璇璣化質離青冥色
可定雞頸實堪招鳳翎立窺五嶺秀坐對三都屏晴月

窈窕入曙煙霏微生昔者尚借宅況來處賓庭金壘縱
傾倒碧露還鮮醒若非抱苦節何以偶惟馨徐觀穉龍
出更賦錦苞零

初入太湖

東南具區雄天水合為一高帆大弓滿羿射爭箭疾時
當暑雨後氣象仍鬱密不如開雕竅聳翅忽飛出行將
十洲近坐覺八極溢耳目駭鴻濛精神寒估票坑來斗
呀豁涌處驚崖岸險若拔龍湫喧如破蛟室斯須風安

帖若受命平秩微茫識端倪遠嶠疑格筆巉巉見銅闕
左右皆輔弼盤空儼相趨去勢猶橫逸嘗聞咸池氣下
注作清質至今涵赤霄尚且浴白日又云構浮玉宛與
崑閬匹肅為靈官家此事難致詰纔迎沙嶼好指顧俄
已失山川互蔽虧魚鳥空聲取何當授真簡得召天吳
術一一問朝宗方應可譚悉

曉次神景宮

曉帆逗碕岬高步入神景灑灑襟袖清如臨藥珠屏雖

然羣動息此地常寂靜翠鑷有寒鏘碧花無定影馮軒
羽人傲夾戶天獸猛稽首朝元君褰衣就虛省呀空雪
牙利嗽水石齒冷香母未垂嬰芝田不論頃遙通河漢
口近撫松桂頂飯薦七白蔬杯醺九光杏人間附塵躅
固陋真鉗頭肯信并釐傾猶疑夏蟲永玄津蕩瓊壘紫
汞啼金鼎盡出冰霜書期君一披省

入林屋洞

知名十小天林屋當第九題之為左神理之以天后魁

堆辟邪輩左右專備守自非方瞳人不敢窺洞口惟君
好奇士復嘯忘情友斂蓋在風林低冠入雲竇中深劇
苔井傍坎纔藥白石角忽支頤藤根時束肘初為大幽
怖漸見微明誘屹若造靈封森如達仙藪常聞白芝秀
狀與琅花偶又坐紫泉光甘如酌天酒何人能挹嚼餌
以代漿糗却笑探五符徒勞步雙斗真君不可見焚盥
空遲久眷戀玉碣文行行但回首

美人

美人抱瑤瑟哀怨彈別鶴雌雄南北飛一旦異栖託諒
非金石性安得宛如昨生為並蒂花亦有先後落秋林
對斜日光景自相薄猶欲悟君心朝朝佩蘭若

贈遠

茱萸匣中鏡欲照心還懶本是細腰人別來羅帶緩從
君出門後不奏雲和管妾思冷如簫時時望君暖心期
夢中見路永夢魂短怨坐泣西風秋窻月華滿

以毛公泉獻大諫清河公

先生鍊飛精羽化成翩翩荒壇與古甃隱軫清冷存四面
感山骨中心含月魂除非紫水脈即是金沙源香實
灑桂蘂甘惟漬雲根向來探幽人酌罷祛蒙昏況公珪
璋質近處諫諍垣又聞虛靜姿早挂冰雪痕君對瑤華
味重獻蘭薰言當應添煩暑朗詠羣飛軒我顧得一掬
攀天叫重閤霏霏散為雨用以移焦原

縹緲峰

左右皆跳峯孤峰挺然起因思縹緲稱乃在虛無裏清

晨躋磴道便是孱顏始據石即更歌遇泉還徙倚花奇
忽如薦樹曲渾成几樂靜煙靄知忘機猿狖喜頻攀峻
過斗末造平如砥舉首闚青冥迴眸聊下視高帆大於
鳥廣蟬纔類蟻就此微茫中爭先未嘗已身為大塊客
自號天隨子他日向華陽敲雲問名氏

明月灣

昔聞明月觀祇傷荒野基今逢明月灣不值三五時擇
此二明月洞庭最看奇連山忽中斷遠樹分毫釐周迴

二十里一片澄風漪見說秋半夜淨無雲物欺兼之星
斗歲獨有神仙期初聞鏘鏘跳積漸調參差空中卓羽
衛波上停龍螭跳舞玉煙節高歌碧霜詞清光消不動
萬象寒咿咿此會非俗致無由得旁窺但當乘扁舟酒
甕仍相隨或徹三弄笛或成數聯詩自然瑩心骨何用
神仙為

投龍潭

名山潭洞中自古多秘邃君將接神物聊用申祀事鎔

金象牙角尺木無不備亦既奉真官因之徇前志持來
展明誥敬以投嘉瑞鱗光煥水容目色燒山翠吾皇病
秦漢豈獨探怪異所貴風雨時民皆受其賜良田為巨
浸污澤成赤地掌職一不行精靈又何寄惟貪血食飽
但據驪珠睡何必費黃金年年授星使

孤園寺

浮屠從西來事者極梁武巖幽與水曲結構無遺土窮
山林幹盡竭海珠璣聚況即侍從臣敢愛煙波塢幡條

玉龍扣殿角金虬舞釋子厭樓臺生人露風雨今來四
百載像設藏雲浦輕鴿亂馴鷗鳴鐘和朝舫庭蕉裂旗
旆野蔓差纓組石上解空人窓前聽經虎林虛葉如織
水淨沙堪數徧問得中天歸修釋迦譜

消夏灣

霞島焰難泊雲峰奇未收蕭條千里灣獨自清如秋古
岫過新雨高蘿蔭橫流遙風吹蕪葭折處鳴颼颼昔予
守圭竇過于回祿囚且為蘧笛徒分作祇凋餽願狎寒

水怪不封朱轂侯豈知煙浪涯坐可思重裘健若數尺
鯉泛然雙白鷗不識號火井孰問名焦丘我真魚鳥家
盡室營扁舟遺名復避世消夏還消憂

包山祠

靜境林麓好古祠煙靄濃自非通靈才敢陟羣仙峰百
里波浪沓中堂簫鼓重真君具瓊舉髣髴來相從清露
濯巢鳥陰雲生畫龍風飄橘柚香日動幡蓋容將命禮
且潔所祈年不凶終當以疏聞特用諸侯封

聖姑廟

渺渺洞庭水盈盈芳嶼神因知古佳麗不獨湘夫人流
蘇蕩遙吹斜領生輕塵蜀綵駁霞碎吳綃盤霧勻可憐
飛鷺姿合是乘鸞賓坐想煙雨夕兼知花草春空登油
壁車窈窕誰相親好贈玉條脫堪攜紫綸巾殷勤撥香
池重薦汀洲蘋明朝動蘭櫂不翅星河津

崦裏

山橫路若絕轉櫟逢平川中水木幽高下兼良田滿

塍墮微溜桑柘含疎煙處處倚蠶箔家家下漁筌駢犢
卧新菰野禽爭折蓮試招搔首翁共語殘陽邊今來九
州內未得皆恬然賊陣始吉語狂波又凶年吾翁欲何
道守此常安眠笑我掉頭去蘆中聞刺船余知隱地術
可以齊真仙終當徙之遊庶復全於天

井上桐

美人傷別離汲井常待曉愁因轆轤轉驚起雙棲鳥獨
立傍銀牀碧桐風嫋嫋

惜花

人壽期滿百花開
惟一春其間風雨至
旦夕旋為塵
若使花解愁
愁于看花人

五歌

并序今錄其四

古者歌詠言詩云我歌且謠
傳曰勞者願歌其事
吾言之拙艱不足稱詠
且謠而歌其事者非吾而誰作五歌以自釋意

江草秋窮似秋半
十角吳牛放江岸
鄰肩搖尾乍依偎

橫去斜奔忽分散荒陂斷塹無端入背上時時孤鳥立

日暮相將帶雨歸田家煙火微茫濕

右放牛

自春徂秋天弗雨廉廉早稻纔遮畝芒粒稀疎熟更輕
地與禾頭不相拄我来愁築心如堵更聽農夫夜深語
凶年是物即為災百陣野鳬千穴鼠平明抱杖入田中
十穗蕭然九穗空敢言一歲困倉實不了如今朝暮春
天職誰司下民籍苟有區區宜折折本作耕耘意若何

蟲豸無教食人食

右刈復

屋小茅乾雨聲大自疑身著蓑衣卧兼似孤舟小泊時
風吹折葦來相佐我有愁襟不自聊纔成好夢剛驚破
背壁殘燈不及螢重挑却向燈前坐

右雨
夜

江南春早雨無澤歲晏未曾腥鼎鬲今朝有客賣鱸魴
手提見我長于尺呼兒舂取紅蓮米輕重相當加十倍
且作吳羹助早飧飽卧晴簷曝寒背橫戈負羽正紛紛
祇用驍雄不用文爭如曉夕謳吟者好伴滄洲白鳥羣

右食
魚

丁隱君歌

并序

隱君姓丁氏字翰之濟陽人也名飛舉讀老子莊
周書善養生能鼓琴居錢塘龍泓洞之左右或曰
憩館耳別業在深山中畜妻子事耕稼如常人余
嘗南浮桐江途而詣其館獲見綸巾布裘貌古而
意澹好古文樂聞歌詩見待加厚因曰他時願為
山中僕丁笑而不應問之年曰七十二當咸通丙
午歲逮十四年矣雷平道士葛參參話與翰之熟

至今齒髮不衰氣力益壯疏繁導蒙灌漑剗削皆
自執綆缶斤斲輩升高望遠不翅履平地時時書
細字作文紀事皆有楷法意義夜半山靜取琴彈
之奏雅弄一二而已少睡寡言語與人相接禮簡
而情至周旋累年未嘗有罷倦之色不惟疾病也
非養生之效歟又不見其有所服餌或問之對曰
治心修身之外復有何物夫孔子所謂樂而壽者
斯人也歟乃作丁隱君歌以寄其聲云

華陽道士南遊歸手中半卷青蘿衣自言逋客持贈我
乃是錢塘丁翰之連江大抵多奇岫獨話君家最奇秀
盤燒天竺春筍肥琴倚洞庭秋石瘦草堂暗引龍泓泉
老樹根株若蹲獸霜濃果熟未容收往往兒童雜猿狖
去歲猖狂有狂寇官軍解散無人鬪滿城奔迸隱君閒
只把枯松塞圭竇前度相逢正賣文一錢不直虛云云
今來利作採樵客真可拋身麋鹿羣

秋熱

自昔秋捐扇今來意未衰
殷勤付柔握淅瀝待清吹
午氣朱崖近宵聲白羽隨
總如南國候無復婕妤悲

樵家

草木黃落時比鄰見相喜
門當清澗盡屋在寒雲裏
山棚日纔下野竈煙初起
所謂順天民唐堯亦如此

樵子

生在蒼崖邊能諳白雲養
纔穿遠林去已在孤峰上
薪和野花束步帶山詞唱
日暮不歸來柴扉有人望

樵徑

石脈青靄間行行自幽絕方愁山嶢嶢更值雲遮截爭
推好林浪共約歸時節不似名利途相期覆車轍

樵歌

縱調為野吟徐徐下雲磴因知負樵樂不減援琴興出
林方自轉隔水猶相應但取天壤情何求郢人稱

四明山詩

并序

謝遺塵者有道之士也嘗隱於四明之南雲一旦訪

余來語不及世務但稱其山之奇者有峰最高四穴在峰上每天地澄霽望之如牖戶相傳謂之石窓即四明之目也山中有雲不絕者二十里民皆家雲之南北每相從謂之過雲有鹿亭有樊榭有潺湲洞木實有青櫺子味極甘而堅不可卒破有猿山家謂之鞠侯其他在圖籍不足道也凡此佳處各為我賦詩余因作九題題四十字石窓何處見萬仞倚晴虛積霽迷青瑣殘霞動綺疏山應列圓嶠宮便接方諸祇有三奔客時來教隱書

右石窗

相訪一程雲雲深路僅分
嘯臺隨日辨樵斧帶風聞曉
著衣全濕寒衝酒不醺幾
回歸思靜髣髴見蘇君

右過雲

雲南更有溪丹礫盡無泥藥有巴
實賣枝多越鳥啼夜
清先月午秋近少嵐迷若得山
顏住芝簦手自攜

右雲南

雲北是陽川人家洞壑連壇當
星斗下樓撈翠微邊一

半遙峯雨三條古井煙金庭如有路應到左神天

右雲北

鹿亭巖下坐時領白麝過草細眠應久泉香飲自多認
聲來月塢尋跡到煙蘿早晚吞金液騎將上絳河

右鹿亭

樊榭何年築人應白日飛至今山客說時駕玉麟歸乳
蒂懸松嫩芝臺出石微憑欄虛目斷不見羽華衣

右樊榭

石淺洞門深潺湲萬古音似吹雙羽管如奏落霞琴倒
穴漂龍沫穿松濺鶴襟何人乘月弄應作上清吟

右潺湲洞

山竇號青櫺環岡次第生外形堅綠殼中味敵瓊英墮
石樵兒拾敲林宿鳥驚亦應仙吏守時取薦層城

右青櫺子

何事鞠侯名先封在四明但為連臂飲不作斷腸聲野
蔓垂纓細寒泉佩玉清滿林遊宦子誰為作君卿

右翰侯

和襲美五貺詩

樣自桐川得詞因隱地成好漁翁亦喜新白鳥還驚沙
際擁江沫渡頭橫雨聲尚應嫌越相遺禍不遺名

右五瀉舟

萬古陰崖雪靈根不為枯瘦於霜鶴脰奇似黑龍鬚挂
訪譚玄客持看潑墨圖湖雲如有路無可到神都

右華頂杖

誰截小秋灘閒窺四緒寬繞為千嶂遠深置一潭寒坐
久雲應出詩成黑未乾不知新博物何處擬重刊

右太湖硯

養和名字好偏寄道情深所以親逋客兼能助五禽倚
肩滄海望鉤膝白雲吟不是逍遙侶誰知世外心

右烏龍養和

魚酪匠成樽猶殘海浪痕外堪欺玳瑁中可酌崑崙水
繞苔磯曲山當草閣門此中醒復醉何必問乾坤

右訶陵樽

早春病中酬襲美

祇貪詩調苦不計病容生我亦休文瘦君能叔寶清藥
須勤一匕春莫累多情欲入毗耶問無人敵淨名

秋晚同襲美閒行

為愛晚窓明門前亦懶行圖書看得熟鄰里見還生鳥
啄琴材響僧傳藥味精緣君多古思攜手上空城

和初冬章上人院

每伴來方丈還如到四禪
菊承芳砌露茶帶遠山泉
畫古全無跡林寒却有煙
相看吟未竟金磬已泠然

延陵張宰

春盡未離闕之官亦似閒
不嫌支薄俸為喜帶名山
默禱三真後高吟十字還
祇應江上鳥時下訟庭間

和襲美病後春思韻

氣和靈府漸氤氲酒有賢人藥
有君七字篇章看月得
百勞言語傍花聞閒尋古寺
銷晴日最憶深溪枕夜雲

早晚共搖孤艇去紫屏風外碧波瀆

和夏初襲美見訪題小齋韻

四鄰多是老農家百樹維桑半頃麻盡趁清明修網架
每和煙雨掉綠車啼鶯偶坐身藏葉餉婦歸來鬢帶花
不是對君吟復醉更將何事送年華

和懷華陽潤卿博士

幾降真官授隱書洛公曾到夢中無眉間入靜三辰影
肘後通靈五嶽圖北洞樹形如曲蓋東凹山色似重爐

金壚福地能容否願作岡前蔣負芻

和吳中書事寄漢南裴尚書

風清地古帶前朝遺事紛紛未寂寥
三泖涼波魚鮪動五茸春草雉媒嬌
雲藏野寺分金剝月在江樓倚玉簫
不用懷歸忘此景吳門看即奉弓招

和夏景偶作

蟬雀參差在扇紗竹襟輕利籜冠斜
壚中有酒文園會琴上無絃靖節家
芝畹煙霞全覆穗橘洲風浪半浮花

閒思兩地忘名者不信人間髮解華

寄瓊州楊舍人

明時非罪謫何偏鵬鳥巢南更數千酒滿椰盃消毒霧
風隨蕉扇下瀧船人多藥戶行狂蠱吏有珠官出俸錢
祇以直誠天自信不勞詩句詠貪泉

白鷗

慣向溪頭漾淺沙薄煙微雨是生涯時時失伴沈山影
往往爭飛雜浪花晚樹清涼還屬玉舊巢零落寄蕪葭

池塘信美應難戀
針恐魚脣劍在鰕

寄題玉霄峯葉涵象尊師所居

天台一萬八千丈
師在浮雲端掩扉
永夜祇知星斗大
深秋猶見海山微
風前幾降青毛節
雪後應披白羽衣
南望煙霞空再拜
欲將飛魄問靈威

和題支山南峰僧韻

眉毫霜細欲垂肩
自說初棲海嶽年
萬壑煙霞秋共到
一林風雨夜深禪
時翻貝葉添新藏
間插松枝護小泉

好是清冬無外事匡牀齋罷向陽眠

悼鶴有和

一夜圓吭絕不鳴八公虛道得千齡方添上客雲眠思
忽伴中仙劍解形但掩叢毛穿古堞永留寒影在空屏
君才幸自清如水更向芝田為刻銘

和重送圓載上人歸日本國

老思東極舊巖扉却待秋風泛舶歸曉梵陽烏當石磬
夜禪陰火照田衣見翻經論多盈篋親植杉松大幾圍

遙想到時思魏闕只應遙拜望斜暉

江墅言望

病身兼稚子田舍劣相容跡共公卿絕貧須稼穡供月
方行到閨霜始近來濃樹少棲禽雜村孤守犬重汀洲
藏晚弋籬落露寒春野并散還整家書拆又封杉篁宜
夕照窓戶憶疎鐘南北惟聞戰縱橫未勝農大春雖苦
學叔夜本多慵直使貂裘敝猶堪過一冬

自和

命既時相背才非世所容著書糧易絕多病藥難供夢
為懷山數愁因忌酒濃烏媒呈不一魚寨下仍重晚桁
簑兼褐晴簷織帶春著籤分水味標石認田封此地家
三戶何人祿萬鍾草堂聊當貴金穴任輕農把釣竿初
冷題詩筆未慵莫憂寒事晚江上少嚴冬

秋日遣懷十六韻寄道侶

盡日臨風坐雄詞妙略兼共知時世薄寧恨歲華淹且
把靈方試休憑吉夢占夜燃燒汞火朝鍊洗金鹽有路

非真隱無媒舉孝廉自然成嘯傲不是學沈潛水恨同
心隔霜愁兩鬢雪鶴屏憐掩扇烏帽愛重簷雅調宜觀
樂清才稱典籤冠啟玄髮少書健紫毫尖故疾因秋召
屋容畏日黔壯圖須行行儒服謾襜襜片石聊當枕橫
煙欲代簾櫳根延穴蟻疎葉漏庭蟾藥鼎高低鑄雲菴
早晚苦胡麻如重寄從謂我無厭

京口與友生話別

共是悲秋客相逢恨不堪雁頻辭薊北人尚在江南名

利機初息樵漁事已諳松門穿戴寺荷徑繞秦潭架上
經惟一樽前雅有三御龍雖世祿下馬亦清譚國計徒
盈策家儲不滿甌斷簾從燕出敝弁倩人簪木墜涼來
葉山橫霽後嵐竹窓深窸窸苔洞綠龕弁養鷺看窺沼
尋僧助結庵功名思馬援歌吹咽羊曇乞食羞孤鳳無
衣羨八蠶繫帆留宿客吟句任羸驂寵鶴空無衛占烏
木見鄆香還須是桂青會出於藍惜珮終邀禍辭環好
漱貪煙綠沙砌引水為藥畦擔博物君能繼多才我尚

慙別離猶得在秋鬢未髣髴

丹陽道中寄友生

煙樹綠微微春流浸竹扉短蓑攜稚去孤艇載魚歸
海俗蘆編室村娃練束衣舊栽奴橘老新刈女桑肥
錦鯉衝風擲絲禽掠浪飛短亭幽徑入陳廟數峰圍
地廢金牛古陵荒石獸稀思君同一往帆上怨餘暉

寄懷華陽道士

華陽門外五芝生食罷愁君入杳冥
遙夜獨栖還有夢

昔年相見便忘形為分科斗親鉛槧與說蜉蝣坐竹櫺
醺後幾時歸紫閣別來終日誦黃庭閒教辨藥僮名甲
靜識窺巢鶴姓丁絕澗飲羊春水膩傍林燒石野煙腥
深沈谷響含疎磬片段嵐光落畫屏休採古書探禹穴
自刊新厯鬪堯蓂珠宮鳳合迎蕭史玉籍人誰訪蔡經
架上黑椽長褐穩案頭丹篆小符靈霓軒入洞齊初月
羽節升壇拜七星當路獨行衝虎豹向風孤嘯起雷霆
凝神密室多生白敘事聯編盡殺青匝地山川皆暗寫

隱天竽籟祇閒聽分張火力燒金竈拂拭苔痕洗酒瓶
翠壁上吟朝復暮暖雲邊卧醉還醒倚身長短裁筇杖
倩客高低結草亭直用森嚴朝北帝愛將清淺問東溟
常思近圃看栽杏擬借鄰峰伴采苓揜樹半扉晴靄靄
背琴殘燭曉熒熒舊來捫虱知王猛欲去為龍嘆管寧
蟾魄幾應臨蕙帳漁竿猶尚枕楓汀銜煙細草無端緣
冒雨閒花作意馨掠岸驚波沈翡翠入簷斜照礙蜻蜓
初征漢棧宜飛檄待破燕山好勒銘六轡未收千里馬

一囊空負九秋螢我悲雌伏真方枘他騁雄材似建瓴
合在深崖齊散木自求滄海點流萍頻拋俗物心還爽
遠憶幽期目剩暝見買扁舟束真誥手披仙語任揚舲

南塘曲

妾住東湖下郎居南浦邊閒臨煙水望認得采菱船

殘雪

桂冷微停素峰乾不徧嵐向谿背林處猶覆定僧菴

早春

雨冷惟添暑煙初不著春數枝花類小愁殺扈芳人

芙蓉

閒吟鮑照賦更起屈平愁莫引西風動紅衣不耐秋

金吾子

嫁得金吾子常聞輕薄名君心如不重妾腰徒自輕

洞房怨

玉插朝扶鬢金梯晚下臺春衫將別淚一夜雨難裁

自遣絕句

五年重別舊山村樹有交柯犢有孫更感卞峰顏色好
曉雲纔散便當門

花瀨濛濛紫氣昏水邊山曲更深村終須揀取幽棲處
老檜成雙便作門

陰洞曾為採藥行冷雲凝絕燭微明玉枝敲折琤然墮
合有真人上姓名

月澹花閒月已深宋家微詠若遺音重思萬古無人賞
露濕清香獨滿襟

和春夕酒醒

幾年無事傍江湖
醉倒黃公舊酒壚
覺後不知新月上
滿身花影倩人扶

浮萍

晚來風約半池明
重疊侵沙綠
罽成不用臨池更相笑
最無根蒂是浮名

白蓮

素蘂多蒙別艷欺
此花真合在瑤池
還應有恨無人覺

月曉風清欲墮時

和重玄寺雙矮檜

可憐煙刺是青螺
如到雙林誤禮多
更憶早秋登北固
海門蒼翠出晴波

飲巖泉

已甘茅洞三君食
欠買桐江一朶山
嚴子瀨高秋浪白
水禽飛盡釣舟還

藥名離合夏日即事

避暑最須從朴野
葛巾筠席更相當
歸來又好乘涼釣
藤蔓陰陰著雨香

和懷錫山樂名離合

鶴伴前溪栽白杏
人來陰洞寫枯松
蘿深境靜日欲落
石上未眠聞遠鐘

寄題天台國清寺

峰帶樓臺天外立
明河色近罌兒濕
松間石上定僧寒
半夜猶溪水聲急

寒日古人名

初寒朗詠徘徊立欲謝玄關早晚開昨日登樓望江色
魚梁鴻雁幾多來

閒吟

閒吟料得三更盡始把孤燈背竹窓一夜西風高浪起
不教歸夢過寒江

宮人斜

草著愁煙似不春晚鶯哀怨問行人須知一種埋香骨

猶勝昭君作虜塵

上清

玉林風露寂寥清
仙妃對月閒吹笙
新篁冷澀曲未盡
細拂雲枝棲鳳驚

秋荷

蒲茸承露有佳色
茭葉束煙如效顰
盈盈一水不得渡
冷翠遺香愁向人

漢宮詞

招靈閣上霓旌絕
梁柏臺中珠翠稠
一身三十六宮夜
露滴玉盤青桂秋

冬柳

柳汀斜對野人窓
零落衰條傍曉江
正是霜風飄斷處
寒鷗驚起一雙雙

贈老僧二首

枯貌自同霜裏木
餘生惟指佛前燈
少時寫得坐禪影
今見問人何處僧

自有家山供衲線不離溪曲取菴茅
舊曾聞說林中鳥
定後長來頂上巢

憶山泉

一夜寒聲來夢裏平明著屐到聲邊
心期盛夏同過此
脫却荷衣石上眠

山僧

一夏不離蒼島上秋來頻話石城南
思歸瀑布聲前坐
却把松枝拂舊菴

眠

一簾臨窻薤葉秋小簾風蕩半離鉤魂清雨急夢難到
身在五湖波上頭

行

尋人直到月塢北覓鶴便過雲峰西只今猶有疎野調
但繞莓苔風雨畦

倚

橘下凝情香染巾竹邊留思露搖身背煙垂手盡日立

憶得山中無事人

食

日午空齋帶睡痕
水蔬山藥薦盤飧
林鳥信我無機事
長到而今下石盆

坐

偶避禪聲來隙地
忽隨鴻影入遼天
閒僧不會寂寥意
道學西方人坐禪

寄遠

縹梨花謝鶯口喫黃犢少年牛未歸畫扇紅絃相掩映
獨看斜月下簾衣

洞宮秋

濃霜打葉落地聲南溪石泉細泠泠洞宮寂寞人不寐
坐見月生雲母屏

懷宛陵舊遊

陵陽佳地昔年遊謝朓青山李白樓惟有日斜溪上思
酒旗風影落春流

謝山泉

決決春泉出洞霞
石壩封寄野人家
草堂盡日留僧坐
自向前溪摘茗芽

照夜白

雪虬輕駿步如飛
一練騰光透月旗
應笑穆王拋萬乘
踏風鞭露向瑤池

舞馬

月窟龍孫四百蹄
驕驪輕步應金鞞
曲終似要君王寵

回望紅樓不敢嘶

雜伎

拜象馴犀角觝豪星九霜劍出花高六宮爭近乘輿望
珠翠三千擁赭袍

雪衣女

嫩紅鉤曲雪花攢月殿棲時片影殘自說夜來春夢惡
學持金偈玉欄干

繡嶺宮

繡嶺花殘翠倚空，碧窓瑤砌舊行宮。
閒乘小馬濃陰下，時舉金鞭半袖風。

湯泉

暖殿流湯數十間，玉渠香細浪回環。
上皇自解雲衣浴，珠棹時敲瑟瑟山。

皮日休

字襲美
襄陽人

初夏即事寄魯望

夏景恬且曠，遠人疾初平。
黃鳥語方熟，紫桐陰正清。
解

宇有幽處松遊無定程玉室作深谷薜垣為干城殷杉
突杙架迸笋支檐楹片石共坐穩病鶴同喜晴瘳木四
五罷筇杖一兩莖泉為葛天味松作羲皇聲埽除就藤
下移榻尋虛明

追和清遠道士詩

成道自衰周避世窮炎漢荆杞雖云梗烟霞尚容竄茲
岑信靈異吾懷愜流翫石澁古鍊銑嵐重輕埃漫松膏
膩幽徑蘋沫著孤岬諸蘿幄幙暗衆鳥陶瓠亂巖罅地

中心海光天上半玄猿行列歸白雲次第散蟾蜍生夕
景沈澀餘清旦風日採幽什墨客學靈翰嗟予慕斯
文一詠復三嘆

追和幽獨君詩

恨劇怛坦土聲幽難放哀墳古春自晚愁緒空崔嵬白
楊老無花枯根侵夜臺天高有時裂川去何時迴雙睫
不能濡六藏無可摧不聞褰蓬事何必深悲哉

初夏遊楞伽精舍

越船輕似萍漾漾出煙郭人聲漸疎曠天氣忽寥廓遇
勝即夷猶逢幽且淹泊俄然棹深處虛無倚巖嶸樹杪
見觚稜林端出赭堊千尋井猶在萬祀靈不涸下通蛟人
道水色黷而惡竭去山南嶺其險如叩竿悠然放吾興
欲把青天摸一片太湖光只驚銀漢落嵐姿與波彩不
動渾相著褫魄窺玉鏡澄慮聞金鐸雷態共縈留鳥言
相許諾言行既異調棲遲亦同託

鶴屏

三幅吹空穀孰寫仙禽狀鼯耳側似聽赤精曠如望引
吭看雲勢翹足臨池樣頗似近蓐席還如入方丈盡日
空不鳴窮年但相向未許子晉乘難教道林放願升君
子堂不必思崑閭

三宿神景宮

古觀岑且寂幽人情自怡一來包山下三宿湖之湄玉
泉浣衣後金殿添香時客省高且敞筍席寒侵肌氣清
寐不著起坐臨堦墀松陰忽微照獨見螢火芝素鶴驚

微露白蓮明暗池
沆瀣欲滴瀝芭蕉
未披離五更山蟬
响醒發如吹簾

桃花塢

黃緣度南嶺盡日穿林樾
窮深到茲塢逸興轉超忽
倚峰小精舍當嶺殘耕堡
將洞任迴環把雲恣披拂
閒禽啼窸窣險狹眼硯微
風吹重嵐碧埃輕勃勃清
陰滅鶴睡秀色治人渴
敲竹鬪鯨樅弄泉爭咽
盟蕭齋蒸柏葉野飯調石
髮空羨塢中人終身無履
屐

明月灣

晚景淡無際孤舟恣迴環試問最幽處號為明月灣半
巖翡翠巢望見不可攀柳弱下絲網藤深垂花鬢松癭
忽似玳石文或如箋釣壇兩三處苔花星徧斑沙雨幾
處霽水禽相向閒野人波濤上白屋幽深間曉培橘栽
去暮作魚梁還清泉出石砌好樹臨柴關對此老且死
不知憂與患赧然不自適脈脈當湖山

練瀆

吳王厭得國所翫終不足一上姑蘇臺猶自嫌局促餘
艘六宮閹蒙衝後軍肅一陣水麝風空中漾平淥鳥困
避錦帆龍跼防鏤軸流蘇惹煙浪羽葆飄巖谷靈境太
蹂踐因茲塞林屋空濶嫌太湖崎嶇開練瀆三尋鑿石
齒數里穿山腹底靜似金膏礫碎如丹粟波殷鄭妲醉
蟾閣西施宿幾轉含煙舟一唱來雲曲不知欄楯上夜
有越人鏃君王掩面死嬪御不敢哭艷魂逐波濤荒宮養
麋鹿國破溝亦淺代變草常綠白鳥都不知朝眠暮還

浴

聖姑廟

洛神有靈逸古廟臨空渚暴雨駭丹青荒蘿繞梁牖野
風旋芝蓋飢烏銜椒糈寂寂落楓花時時鬪鼯鼠常云
三五夕盡會妍神侶月下留紫姑霜中召青女俄然响
環珮倏爾鳴機杼樂至有聞時香來無定處目盻如有
待魂斷空無語雲雨竟不生留情在何處

和陸魯望樵人雜詠

空山最深處太古兩三家雲蘿共夙世猿鳥同生涯
衣服濯春泉盤餐烹野花居茲老復老不解嘆年華

右樵家

蒙籠中一徑繞在千峰裏歇處遇松根危中值石齒
花穿泉衣落雲拂芒鞋起自古行此途不聞顛與墜

右樵徑

遊栖霞寺

不見明居士空山但寂寥白蓮吟次缺青靄坐成銷
泉

冷無三伏松枯有六朝何時石上月相對論逍遙

初冬章上人院

寒到無妨睡僧吟不廢禪尚關經病鶴猶瀝欲枯泉靜
紫貝多紙閒爐波律煙清談兩三句相向自翛然

題臨頓草堂四首

一方瀟灑地之子獨深居繞屋親栽竹堆牀手寫書高
風翔砌鳥暴雨失池魚暗識歸山計村還買鹿車

靜僻無人到幽深每自知鶴來添口數琴到益家資壞

塹生魚沫頽簷落燕兒空將綠蕉葉來往寄閒詩

經歲听烏紗讀書三十車水痕侵病竹蛛網上衰花詩
任傳魚客衣從遞酒家知君秋晚事白幘刈胡麻

寂歷秋懷動蕭條夏思殘久貧空酒庫多病束漁竿玄
想凝鶴扇清齋拭鹿冠夢魂無俗事夜夜到金壇

閉門無一事安穩卧涼天砌下翹飢鶴庭陰落病蟬倚
松閒把易燒术靜忘言賴有包山客時時寄紫泉

秋晚留題魯望郊居

冷卧空齋內餘醒夕未消秋花如有恨寒蝶似無聊簷
上落鬪雀籬根生晚潮若論羈旅事猶自勝臯橋

宿報恩寺水閣

寺鑠雙峰寂不開幽人中夜獨徘徊池紋帶月鋪金簾
蓮朶含風動玉杯往往竹梢搖翡翠時時松子擲莓苔
可憐此際誰曾覺惟有支公盡看來

江南道中懷茅山廣文南陽博士

住在華陽第八天望君惟欲結良緣堂局洞裏千秋燕

厨盛岩根數斗泉壇上古松疑度世觀中幽鳥恐成仙
不知何事迎新歲烏衲裘中一覺眠

開元寺客省早景即事

客省蕭條柿葉紅樓臺如畫倚霜空銅池數滴桂上雨
金鐸一聲松杪風鶴靜曉來珠像側鵠馴多在寶幡中
如何塵外虛為契不得支公此會同

聞魯望遊顏家林園病中有寄

一夜韶姿映水光謝家春草滿池塘細挑泉眼尋新脈

輕把花枝嗅宿香蝶欲試飛猶護粉鶯初學轉尚羞黃
分明不得同君賞盡日傾心羨索郎

春雨即事

織恨凝愁映鳥飛半旬飄灑掩韶暉山容洗得如煙瘦
地髓流將似乳肥野客正閒移竹遠幽人多病探花稀
何時細濕華陽道兩乘巾車相竝歸

薔薇

誰繡連延滿戶陳暫應遮得陸郎貧紅芳掩斂將迷蝶

翠蔓飄飄欲挂人低拂地時如墮馬高臨牆處似窺鄰
祇應董氏雙成戲剪得神霞寸寸新

懷華陽潤卿博士

冥心誰事白英君不問人間爵與勲林下醉眠仙鹿見
洞中間話隱芝聞石牀卧苦渾無蘚藤篋開稀恐有雲
記得虛皇新詔樣青瓊版上綠為文

秋晚訪林處士所居

門前襄水碧潺潺靜釣歸來不掩關書閣鼠穿厨鹿破

竹園霜後桔槔閒兒童不許驚幽鳥藥草須教上假山
莫為愛詩偏念我訪君多得醉中還

夏日病愈因招魯望

曉日清和尚袷衣夏陰初合掩柴扉一聲撥穀桑柘晚
數點春鋤煙雨微貧養山禽能個瘦病關芳草就中肥
明朝蚤起非無事買得蓴絲待陸機

夏初訪魯望偶題小齋

半里芳陰到陸家藜牀相勸飯胡麻林間度宿拋棋局

壁上經旬掛釣車野客病時分竹米鄰翁齋日乞藤花
躊躇未放閒人去聊岸紗巾待月華

重玄寺元達年逾八十好種名藥凡所植者多
至自天台四明包山句曲叢翠紛糅各可指
名余哥而訪之因題短章

雨滌煙鋤偃僂賁紺牙紅甲兩三畦藥名却笑桐君少
年紀翻嫌竹祖低白石靜敲蒸朮火清泉閒洗種花泥
怪來昨日休持鉢一尺雕胡似掌齊

初冬偶寄陽潤公

寓居無事入清冬雖設樽壘酒半空白菊為霜翻待紫
蒼苔因雨却成紅迎潮預遣收魚笥防雪先教葢鶴籠
惟帶支硯最寒夜共君披氅訪林公

寒日書齋即事

參佐三間似草堂恬然無事可成忙移時寂歷燒松子
盡日殷勤拂乳牀將近道齋先衣褐欲清詩思更焚香
中庭好待通宵月獨禮星辰學步罡

不知何事有生涯
皮褐親裁覺道家
深夜數甌惟柏葉
清晨一罷是雲華
盆池有鷺窺蘋沫
石板無人埽桂花
漠漠欲歸應未得
夜來頻夢赤城霞

寄題玉霄峰葉涵象尊師所居

青冥向上玉霄峰
元始先生帶紫蓉
曉案瓊文光洞壑
夜壇香氣惹杉松
閒迎仙客來為鶴
靜喫靈符去是龍
子細捫心無偃骨
欲隨師去肯相容

寄懷華陽潤卿

鹿門山下捕魚郎
今向江南作渴羌
無事只陪看鶴相
有錢惟欲買湖光
醉來渾失移花處
病起空聞焙藥香
何事對君猶有愧
一篷風雪返華陽

夏景無事懷章來上人

佳樹盤珊枕草堂
此中隨分亦閒忙
平鋪風簟尋琴譜
靜埽煙窓著藥方
幽鳥見貧留好語
白蓮知卧送清香
從今有計消閒日
更為支公置一牀

寄瓊州楊舍人

德星文彩瘴天涯酒樹堪消謫官嗟行遇竹王因設奠
居逢木客又還家清齋靜澹枕柳麪遠信閒封豆蔻花
清切會須歸有日莫貪句漏足丹砂

悼鶴

池上低摧病不行誰教仙魄返層城陰苔尚有前朝跡
皎月新無昨夜聲菰米正殘三日料筠籠休礙九霄程
不知此恨何時盡遇著雲泉即愴情

送五羊李明府

五羊城在蜃樓邊
墨綬隨腰正少年
山靜不應聞屈鳥
草深從使翳貪泉
蟹奴晴上臨朝檻
燕婢秋隨過海船
一事與君消遠宦
乳蕉花發訟庭前

和魯望風人詩

刻石書離恨
因成別後悲
莫言春繭薄
猶有萬重絲

古宮詞

樓殿倚明月
參差如亂峰
宮花半夜發
不待景陽鐘

松江早春

松陵清淨雪消初見底新安恐未如穩凭船舷無一事
分明數得鱸殘魚

懷鹿門縣藥名離合


山瘦更培秋後桂溪澄閒數晚來魚臺前過雁盈千百
泉石無情不寄書

惠山聽松菴

千葉蓮花舊有香半山金剎照方塘殿前日暮高風起
松子聲聲打石牀

春夕酒醒

四絃纔罷醉蠻奴
醺醺餘香在翠爐
夜半醒來紅蠟短
一枝寒淚作珊瑚



石倉歷代詩選卷八十

欽定四庫全書

集部

石倉歷代詩選卷八十四

詳校官庶吉士臣范逢恩

侍讀臣孫球覆勘

總校官進士臣朱 銓

校對官中書臣王慶長

謄錄監生臣楊方柱

欽定四庫全書

石倉歷代詩選卷八十一

明 曹學佺 編

晚唐八

劉駕

字司南
江東人

皎皎詞

皎皎復皎皎逢時即為好
高秋亦有花不及當春草
班姬入後宮飛燕舞東風
青娥中夜起長嘆月明裏

苦寒吟

百泉凍皆咽我吟寒更切
半夜倚喬松不覺滿衣雪
竹竿有甘苦我愛抱苦節
鳥聲有悲歡我愛口流血
潘生若解吟更早生白髮

上巳日

上巳曲江濱喧於市朝路
相尋不見者此地皆相遇
日光去此遠翠幕張如霧
何事歡娛中易覺春城暮
物情重此節不是愛芳樹
明日花更多何人肯回顧

春臺

臺上樹陰合
臺前流水多
青春又出門
坐見野田花
誰能學公子
走馬逐香車
六街塵滿衣
鼓絕方還家

釣臺懷古

澄流可濯纓
嚴子但垂綸
孤坐九層石
遠笑清渭濱
潛龍飛上天
四海豈無雲
清氣不零雨
安使洗塵氛
我來吟高風
髣髴見斯人
江月尚皎皎
江石亦磷磷
如何臺下路
明日又迷津

勵志

白髮豈有情貴賤同日生二輪不斬驅似趁長安程前
堂吹參差不作緱山聲後園植木槿月照無餘英及時
立功德身後猶光明仲尼墓成土魯人焉敢耕

桑婦

牆下桑葉盡春蠶半未老城南路迢迢今日起更早四
鄰無去伴醉卧青樓曉妾顏不如誰所貴守婦道一春
常在樹自覺身如鳥歸來見小姑新妝弄百草

鄰女

君嫌鄰女醜取婦他鄉縣料嫁與君人亦為鄰所賤
菖蒲花可貴只為人難見

寄遠

雪花豈結子徒滿連理枝嫁與征人妻不得長相隨
去年君點行賤妾是新歸別早見未熟入夢無定姿
悄悄空閨中蛩聲繞羅帷得書喜猶甚況復見君時

早行

馬上續殘夢馬嘶時復驚心孤行多虞僮僕近我行樓
禽未分散落月照古城莫羨居者閑塚邊人已耕

青門路

青門有歸路坦坦高槐下貧賤自恥歸此地誰留我門
開送客去落日懶回馬旅食帝城中不如遠遊者

棄婦

回車在門前欲上心更悲路傍見花發似妾初嫁時養
蠶已成繭織素猶在機新人應笑此何如畫蛾眉昨日

惜紅顏今日畏老遲良媒去不遠此恨今告誰

久客

久客心易足主人有餘力如何昨宵夢到曉山家色南
音入誰耳曲盡頭自白

秋夕

促織燈下吟燈光冷於水鄉魂坐中去倚壁身如死求
名為骨肉骨肉萬餘里富貴在何時離別今如此出門
長嘆息月白西風起

長安旅舍紆情投先達

岐路不在地馬蹄從苦辛上國聞姓名不如山中人
大宅滿六街此身入誰門愁心日散亂有似空中塵
白雲下長安百蟲鳴草根方當秋賦日却憶歸山村
靜女頭欲白良媒況我鄰無令苦長嘆長嘆消人魂

送友下第遊雁門

相別灞水湄夾水柳依依我願醉如死不見君去時
所詣星斗北直行到猶遲況復挈空囊求人悲路岐北門

記室賢愛我學古詩待君如待我此事固不疑鴈門春色外四月鴈未歸主人拂金臺延客夜開扉舒君鬱鬱懷飲彼白玉卮

讀史

平地見天涯登高天更遠功名及所望歧路又滿眼萬金買園林千金修池館他人厭遊觀身獨戀軒冕唯有漢二疏應覺還家晚

唐樂府十首

唐樂府自送征夫至獻賀觴歌河湟之事也下土
土貢臣駕生於唐二十八年獲見明天子以德歸
河湟地臣得與天下夫婦復為太平人獨恨愚且
賤蠕蠕泥土中不得從臣後拜舞稱於上前情有
所發莫能自抑作詩十章目曰唐樂府雖不足貢
聲宗廟形容盛德而願與耕稼陶漁者歌田野江
湖間亦足自快云爾

送征夫

昔送征夫苦今送征夫樂寒衣縱攜去應向歸時著天子待功成別造凌煙閣

輸者謳

輓粟上高山高山若平地力盡心不怨同我家私事去者不遑寧歸者唱歌行相逢古城下立語天未明一身遠出塞十口無稅征

弔西人

河湟父老地盡知歸明主將軍入空城城下弔黃土所

願邊人耕歲歲生禾黍

邊軍過

城前兵馬過城裏人高卧官家自供給畏我家產破健
兒食肥肉戰馬食新穀食飽物有餘所恨無兩腹草青
見軍過草白見軍回軍回人更多盡繫西戎來

望歸馬

東人望馬歸馬歸蓮峰下蓮峰與地平亦不更徵兵

祀河水

河水清瀾瀾照見遠樹枝
征人不飲馬再拜祀馮夷
從今億萬歲不見河濁時

田西邊

刀劒作鋤犁耕田古城下
高秋禾黍多無地放羊馬

崑山

昔時玉為寶崑山過不得
今時玉為塵崑山入中國
白玉尚如塵誰肯愛金銀

樂邊人

在鄉身亦勞在邊腹亦飽父兄若一處任向邊頭老

獻賀觴

莫但取河湟河湟非邊疆願今日入處亦似天中央
天子壽萬歲再拜獻此觴

築臺詞

漢武築通天
役者苦之

前杵與後杵築城聲不住我願築更高得見秦皇墓

山中夜坐

半夜山雨過來滿山月落盡醉處花荒溝水泱泱

然惜春去似與故人別誰遣我多情壯年無鬢髮

古出塞

邊塞不開花四氣多作雪北人尚凍死況我本南越古
來荒徼地巡狩無遺轍九土耕不盡武皇猶作伐中天
有高閣圖畫何時歇坐恐塞上山低於沙上骨

效古

融融芳景和杳杳春日斜嬌嬈不自持清唱頻雙蛾終
曲翻成泣新人下香車新人且莫喜故人曾如此燕趙

日生女郎豈有終始

姑蘇臺

句踐飲膽日吳酒傾滿盃笙歌入海雲聲自姑蘇來西
施舞初罷侍兒整金釵衆女不敢妒自比泉下泥越鼓
聲騰騰吳天隔塵埃難將角東地更學會稽樓霸跡一
朝盡草中棠梨開

山中有招

朗朗山月出塵中事由生人心雖不閒九陌夜無行學

古以求聞有如石上耕齊姜早作婦豈識塞中情何如
此幽居地僻人不爭嘉樹自昔有茅屋因我成取薪不
出門採藥於前庭春花雖無種枕席芙蓉馨君來食葵
藿天爵豈不榮

馮叟居

天作馮叟居山僧尚嫌僻開門因兩樹結宇倚翠壁溪
南有微徑時遇採芝客往往白雲生對面千里隔機忘
若僮僕常與猿鳥劇曬藥上小峰庭深無日色自忘歸

鄉里不見新舊戚
縈縈子孫墓
秋風吹古柏

蘭昌宮

宮蘭非瑤草
安得長春在
迴首春又歸
翠華不能待
悲風生輦路
山川寂已晦
邊恨在行人
行人無盡歲

牧童

牧童見客拜
山果懷中落
晝日驅牛歸
前溪風雨惡

喻鳧

字坦之
毗陵人

書懷

祇是守琴書僧中獨寓居心唯務鶴靜分合與名疎暮
雨啼螢次涼風落木初家山大湖淥歸去復何如

一公房

幽深誰掩闕清淨自多閒一雨收衆木孤雲生遠山花
萎綠苔上鵲乳翠樓間嵐靄燃香夕容聽半偈還

王母祠前寫望

雲霞千古事桃李舊花顏芳信沈青鳥空祠掩暮山香
傳一座暗柳匝萬家閒那復傷神所河昏落日間

遊暖泉精舍

塢木殿前空山河澤國同鳥閒沙影上泉落樹陰中纜
舸蒲花水縈幡柳絮風翛然方寸地何事更悲蓬

懷鄉

秋風江上家釣艇泊蘆花斷岸綠楊蔭疎籬紅槿遮
鳴積雨窟鶴步夕陽沙抱疾僧窓夜歸心過月斜

岫禪師南溪蘭若

錫影配瓶光孤溪照草堂水懸青石磴鐘動白雲牀樹

色含殘雨河流帶夕陽唯應兼月夜瞑目見他方

夏日題岫禪師房

朝朝磬聲罷童子埽藤陰花過少遊客日長無事心迴
山閉院直落水下橋深安得開方便容身老此林

呈薛博士

辛勤長在學一室少曾開時憶暮山寺獨登衰草臺名
期五字立迹愧九年来此意今聊寫還希君子哀

龍翔寺閣夜懷渭南張少府

春城帶病別秋塞見除書況是神仙吏仍非塵土居河
風吹鳥迴嶽雨滴桐疎坐閣馳思夕沙東涼月虛

夏日龍翔寺居即事寄崔侍御

古剎一幡斜吹門水過沙數聲鐘裏鉞雙影樹間茶落
日窮荒雨微風古壑沙何當簪笏客復此問生涯

龍翔寺居喜胡權見訪因宿

林棲無異歡煮茗就花欄雀啁北岡曉僧開西閣寒衝
橋二水急扣月一鐘殘明發還分手徒悲行路難

宿石窟寺

一刹古岡南，孤鐘撼夕嵐。
客閒明月閣，僧閉白雲菴。
野鶴立枯枿，天龍吟淨潭。
因知不生理，合自此中探。

夏日龍翔寺即事寄張侍御

沙西林杪寺，殿倚石稜開。
曉月僧汲井，殘陽鐘殷臺。
河衝綠野去，鳥背白雲來。
日夕唯增思，京闕未想迴。

酬王檀見寄

馳心棲杳冥，何物比清冷。
夜月照巫峽，秋風吹洞庭。
酬

難塵鬢皓坐久壁燈青竟晚蒼山詠喬枝有鶴聽

寺居秋日對雨有懷

脩脩復震震黃葉此時飛隱几客吟斷鄰房寺話稀
寒棲樹定螢濕在窓微即事瀟湘渚漁翁披草衣

答劉錄事夜月懷湘西友人見寄

相逢仍朔漠相問即波濤江思葦花折笛聲闌月高
薄書君閱倦章句我吟勞竟夕空凭閣長河滌石壕

龍翔寺寄李頻

鐘聲南北寺不道往來遙人事因循過時光荏苒銷懸
燈灑風雨上閣遶雲霄即是洲中柳嘶蟬急暮條

送武穀之邠寧

戍路少人蹤邊煙淡復濃詩寧寫別恨酒不上離容拂
拂沙河柳迢迢石窟鐘悠然一睽阻山疊虜雲重

即事

抱杖立溪口迎秋望塞門連山互蒼翠二水各清渾笛
發孤煙戍鴉歸夕照村萋萋芳草色終是憶王孫



龍翔書懷

眠雲喜道存讀易過朝昏喬木青連郭長河白遶門鐘
沈殘月塢鳥去夕陽村搜此成閒句期逢作者論

龍翔寺居夏日獻王尚書

寧期高旆下得遇重臣知泉石容居止風沙免路歧河
無洛下望柳向暗中吹無復愁煩暑迴山棧閣危

冬日寄友人

空為梁甫吟誰竟是知音風雪坐閒夜鄉園來舊心滄

江孤棹迴落日一鐘深君子久忘我悠然年鬢侵

項斯

字子遷
江東人

憶朝陽峰前居

每憶閑眠處朝陽最上峰雪殘僧到閣庭午鶴離松敗
褐粘苔遍新題出石重霞光侵曙發嵐翠近秋濃此地
虛為別人間久未容何時無一事却自養疎慵

落第後歸覲喜逢僧再陽

相逢須強笑人世別離頻去曉長侵月歸鄉動隔春見

僧心暫靜從俗事多屯宇宙詩名小山河客路新翠桐
猶入爨青鏡未辭塵逸足常思驥隨羣且退鱗宴乖紅
杏寺愁在綠楊津羞病難為藥開眉懶顧人

寧州春思

失意離城早邊城任見花初為斷酒客舊識賣書家寒
寺稀無雪春風重有沙思歸頻入夢去路不言賒

邊州客舍

開門不成出麥熟徧前坡自少詩名在如今白髮多經

年無越信終日厭蕃歌近寺居僧少春來亦懶過

遠水

渺渺浸天色一邊生晚光闊浮萍思遠寒入鴈愁長北極連平地東流即故鄉扁舟來宿處髣髴似瀟湘

寄石橋僧

逢師入山日道在石橋邊別後何人見秋來幾處禪溪中雲隔寺夜半雪添泉生有天台約知無却出緣

送歐陽袞歸閩中

秦城幾年住猶著故鄉衣失意時相識成名後獨歸海
秋蠻樹黑嶺夜瘴禽飛為學心難足知君更掩扉

題令狐處士谿居

白髮已過半無心出此溪病嘗山藥徧貧起草堂低為
月窓從破因詩壁重泥近來常夜坐寂寞與僧齊

送僧歸南嶽

心知衡嶽路不怕去人稀船裏誰鳴磬沙頭自曝衣有
家從少別是寺即言歸料得逢春住當禪柳暗扉

蠻家

領得賣珠錢還歸銅柱邊
看兒調小象打鼓試新船
醉後眠神樹耕時語瘴煙
不逢寒便老相問莫知年

蒼梧雲氣

何年化作愁漠漠便難收
數點山能遠平鋪水不流
濕連湘竹暮濃蓋舜墳秋
亦有思歸客看來盡白頭

子規

遊魂自相叫寧復記前身
飛過人家月聲連客路春
夢

邊催曉急愁外送風頻自有霑花血相和點滴新

邊遊

古鎮門前路長安路在東天寒明堠火日晚裂旗風塞
館皆無事儒裝亦有弓防秋故鄉卒暫喜語音同

夜泊淮陰

夜入楚家煙煙中人未眠望來淮岸盡坐到酒樓前燈
影半臨水箏聲多在船乘流向東去別此易經年

贈金川姚合使君

為郎名更重，領郡足蹉跎。
官壁題詩盡，衙庭看鶴多。
城池連草塹，籬落帶椒坡。
未覺旗旛貴，閑行觸處過。

送殷中丞遊邊

話別無長夜，燈前聞曙鴉。
已行難避雪，何處合逢花。
野寺門多閉，羌樓酒不賒。
還須見邊將，誰擬靜塵沙。

早春題湖上顧氏新居

近得水雲看，門長侵早開。
到時微有雪，行處淨無苔。
勸酒客初醉，留茶僧未來。
每逢晴暖日，唯見乞花栽。

晚春花

陰洞日光薄花開不及時
當春無半樹經燒有空枝
疎與香風會細將泉影移
此中人到少開盡幾人知

中秋夜懷

趨馳早晚休一歲已殘秋
若只如今日何難致白頭
滄波歸處遠旅食向邊愁
賴見前賢說窮通不自由

寄富春孫路處士

平生醉興吟誰是見君心上國
一歸去滄江閒至今鐘

繁秋寺近峰閣晚濤深疎放長如此何人長得尋

寄盧式

到處向南望未知何日回寄書頻近海得夢忽聞雷嶺
日當秋暗蠻花近臘開白身居瘴癘誰不惜君才

送顧少府

作尉年猶少無辭去路賒漁舟縣前泊山吏日高衙幽
景臨谿寺秋蟬織杼家行程須過越先醉鏡湖花

咸陽別李處士

古道自迢迢咸陽離別橋
越人聞水處秦樹帶霜朝
駐馬言難盡分程望易遙
秋前未相見此意轉蕭條

寄流人

毒草不曾枯長漆客健無
霧開蠻市合船散海城孤
象跡頻藏齒龍涎遠蔽珠
家人秦地老泣對日南圖

酬從叔聽夜泉見寄

夢罷更開戶寒泉聲隔雲
共誰尋最遠獨自坐偏聞
巖際和風滴溪中泛月分
豈知當此夜流念到江濱

遊爛柯山

步步出塵氛
溪山別是春
壇邊時過鶴
碁處寂無人
訪古碑多缺
探幽路不真
翻疑歸去晚
清世累移晨

杭州江亭留題登眺

處處日馳銷
憑軒夕似朝
漁翁閒鼓棹
沙鳥戲迎潮
樹間津亭密
城連野寺遙
因誰報隱者
向此得耕樵

送友人遊邊

方春到帝京
有戀百愁并
萬里江海思
半年沙塞程
綠

陰斜向驛殘照遠侵城自可資新課還期振盛名

送友人之江

東南路苦辛去路見無因萬里此相送故交誰更親日
浮汀草綠煙霽海江春握手不堪贈為君書札頻

彭蠡湖春望

湖亭東極望遠棹不須迴遍草新湖落連天衆鴈來蘆
洲殘照盡雲嶂積煙開更想鴟夷子扁舟安在哉

途中逢友人

長天有南北山川各所之相逢孤館夜共憶少年時爛
醉百花酒狂題幾首詩來朝又分袂後會鬢應絲

送友人下第歸襄陽

失意已春殘歸愁與別難山分關路細江遶夜城寒草
色連晴坂鼉聲離曉灘差池是秋賦何以暫懷安

夢仙

昨宵魂夢到仙津得見蓬山不死人雲葉許裁成野服
玉漿教飲潤愁身紅樓近月宜寒水綠杏搖風占古春

次第引看行未遍浮光牽入世間塵

古扇

昨日裁成奪夏威忽逢秋節便相違
寒塵妒盡秦王女涼殿恩隨漢苑妃
似月舊臨紅粉面有風休動麝香衣
千年蕭瑟關人事莫語當時掩淚歸

宿山寺

栗葉重重覆翠微黃昏溪上語人稀
月明古寺客初到風度閑門僧未歸
山果經霜多自落水螢穿竹不停飛

中宵能得幾時睡又被鐘聲催著衣

舊宮人

自出先皇玉殿中衣裳不更染深紅宮釵折盡垂空鬢
內扇藏多減半風桃熟亦曾君手賜酒闌猶候妾歌終
如今還向城邊住御水東流意不通

夢遊仙

夢遊飛上天家樓珠箔當風掛玉鉤鸚鵡隔簾呼再拜
水仙移鏡懶梳頭丹霞不是人間曉碧樹仍逢岫外秋

將謂便長於此地難聲入耳聽堪愁

送宮人入道

願隨仙女董雙成王母前頭作伴行
初戴玉冠多悞拜欲辭金殿別稱名
將敲碧落新齋磬却進昭陽舊賜箏
旦暮焚香繞壇上步虛猶作按歌聲

山林

青樾林深亦有人一渠流水數家分
山當日午回峰影草帶泥痕過鹿羣
蒸茗氣從茅舍出綠絲聲隔竹籬聞

行逢賣藥歸來客不惜相隨入島雲

江村夜泊

日落江路黑前村人語稀幾家深樹裏一火夜漁歸

涇州聽張處士彈琴

邊州獨夜正思鄉君又彈琴在客堂
髣髴不離燈影外似聞流水到瀟湘

對鱸

行到鱸魚鄉裏時鱸盤如雪怕風吹
猶憐醉裏江南路

馬上垂鞭學釣時

石倉歷代詩選卷八十一